

Në bazë të nenit 24 paragrafi (1) pika 1) nënparagrafi 16 të Ligjit të Energjetikës* ("Gazeta Zyrtare e Republikës së Maqedonisë" nr. 96/18 dhe "Gazeta Zyrtare e Republikës së Maqedonisë së Veriut" nr.96/19), nenit 8 paragrafi (3) të Rregullores së Formimit të Çmimeve më të Larta të Shitjes me Pakicë të Derivateve të Ndryshme të Naftës dhe të Lëndëve Djegëse të Transportit ("Gazeta Zyrtare e Republikës së Maqedonisë së Veriut" nr. 108/ 20, 133/20, 49/22, 54/22 dhe 64/22) dhe vendimit për përcaktimin e dendësisë së përshkallëzuar ρ_e dhe dendësisë së pashkallëzuar ρ_d të secilit derivat të naftës dhe të lëndës djegëse të transportit, shumës së kompensimit P për premi, shpenzimeve të transportit T deri te depozita e Republikës së Maqedonisë së Veriut dhe shumës së kompensimit D për kompensime për punën përmes depozitës dhe marzhës tregtare me shpenzime të përfshira të transportit nga depozita deri te stacionet e benzinës dhe te konsumatorët e fundëm ("Gazeta Zyrtare e Republikës së Maqedonisë së Veriut" nr. 99/22) Komisioni Rregullator i Energjetikës dhe i Shërbimeve të Ujit i Republikës së Maqedonisë së Veriut, në seancën e mbajtur më 11.5.2022, solli këtë

V E N D I M

për përcaktimin e çmimeve më të larta të shitjes me pakicë të derivateve të naftës dhe të lëndëve djegëse të transportit

Neni 1

(1) Çmimet më të larta të shitjes me pakicë të derivateve të naftës dhe të lëndëve djegëse të transportit, janë:

- Benzinë motori - EUROSUPER BS - 95	-	90,50 (denarë/litër)
- Benzinë motori - EUROSUPER BS - 98	-	92,50 (denarë/litër)
Naftë motori - EURODIZEL BS (D-E V)	-	87,00 (denarë/litër)
Vaj për Djegie - Ekstra i Lehtë 1 (EL-1)	-	85,00 (denarë/litër)
Mazut M-1 SU	-	53,848 (denarë/kilogram)

(2) Tregtarët me shumicë dhe pakicë me derivate të naftës dhe lëndë djegëse për transport, mund të formulojnë çmime të derivateve të ndryshme të naftës dhe lëndëve djegëse për transport edhe më të ulëta se çmimet më të larta që janë përcaktuar në paragrafin (1) të këtij neni.

(3) Çmimet më të larta të shitjes me pakicë, të formuara në përputhje me paragrafin (1) të këtij neni, përveç çmimit të Mazutit M-1 SU, vlejné për franko stacion të pompimit, ndërsa çmimi i Mazutit M-1 SU vlen për franko depozitë të tregtarit me shumicë me derivate të naftës dhe lëndë djegëse të transportit në vend.

(4) Në çmimet më të larta të shitjes me pakicë, të formuara në përputhje me këtë nen, përfshihet edhe tatimi i vlerës së shtuar në përputhje me Ligjin e Tatimit të Vlerës së Shtuar.

Neni 2

(1) Në çmimet më të larta të shitjes me pakicë të derivateve të naftës dhe të lëndëve djegëse të transportit, të përcaktuara në nenin 1 të këtij vendimi, janë përmbajtur edhe çmimet më të larta të prokurimit, që janë:

- Benzinë motori - EUROSUPER BS - 95	-	55,184 (denarë/litër)
- Benzinë motori - EUROSUPER BS - 98	-	57,041 (denarë/litër)
Naftë motori - EURODIZEL BS (D-E V)	-	59,462 (denarë/litër)
Vaj për Djegie - Ekstra i Lehtë 1 (EL-1)	-	57,618 (denarë/litër)
Mazut M-1 SU	-	42,744 (denarë/kilogram)

Neni 3

Në çmimet më të larta të shitjes me pakicë, të përcaktuara në nenin 1 të këtij vendimi, përfshihet edhe kompensimi për shpenzime për punën përmes depozitës dhe marzhës tregtare, e cila për Eurosuperin BS-95 është 5,169 denarë/litër, për Eurosuperin BS-98 është 5,130 denarë/litër, për Eurodizelin BS (D-E V) është 4,849 denarë/litër dhe për Vajin Ekstra të Lehtë 1 (EL-1) është 4,865 denarë/litër, ndërsa për Mazutin M-1 SU kompensimi është 2,00 denarë/kilogram.

Neni 4

Në çmimet më të larta të shitjes me pakicë, të përcaktuara në nenin 1 të këtij vendimi, me përjashtim të Mazutit M-1 SU, përfshihet edhe kompensimi për shpenzime të transportit nga depozita deri te stacionet e benzinës në shumë prej 0,95 denarë/litër për të gjitha derivatet e naftës.

Neni 5

Në çmimet më të larta të shitjes me pakicë, të përcaktuara në nenin 1 të këtij vendimi, përfshihet edhe kompensimi për financimin e aktiviteteve nga fusha e mjedisit jetësor, i cili në përputhje me nenin 184 paragrafi (1) të Ligjit të Mjedisit Jetësor, e paguajnë tatimpaguesit e përcaktuar me këtë ligj:

- Benzinë motori - EUROSUPER BS - 95	-	0,080 (denarë/litër)
- Benzinë motori - EUROSUPER BS - 98	-	0,080 (denarë/litër)
Naftë motori - EURODIZEL BS (D-E V)	-	0,030 (denarë/litër)
Vaj për Djegie - Ekstra i Lehtë 1 (EL-1)	-	0,040 (denarë/litër)
Mazut M-1 SU	-	0,050 (denarë/kilogram)

Neni 6

Në çmimet më të larta të shitjes me pakicë të përcaktuara me nenin 1 të këtij vendimi, përfshihet edhe kompensimi për rezerva të detyrueshme të naftës dhe të derivateve të naftës, i cili në përputhje me nenin 24 paragrafi (3) të Ligjit të Rezervave të Detyrueshme të Naftës dhe të Derivateve të Naftës, e paguajnë tatimpaguesit gjatë importit dhe/ose prodhimit të derivateve të naftës:

- Benzinë motori - EUROSUPER BS - 95	-	0,890 (denarë/litër)
- Benzinë motori - EUROSUPER BS - 98	-	0,890 (denarë/litër)
Naftë motori - EURODIZEL BS (D-E V)	-	0,300 (denarë/litër)
Vaj për Djegie - Ekstra i Lehtë 1 (EL-1)	-	0,300 (denarë/litër)
Mazut M-1 SU	-	0,740 (denarë/kilogram)

Neni 7

Në çmimet më të larta të shitjes me pakicë, të përcaktuara me nenin 1 të këtij vendimi, akcizat që i paguajnë tatimpaguesit në përputhje me dispozitat për akciza, janë:

- Benzinë motori - EUROSUPER BS - 95	-	20,00 (denarë/litër)
- Benzinë motori - EUROSUPER BS - 98	-	20,00 (denarë/litër)
Naftë motori - EURODIZEL BS (D-E V)	-	13,50 (denarë/litër)
Vaj për Djegie - Ekstra i Lehtë 1 (EL-1)	-	13,50 (denarë/litër)
Mazut M-1 SU	-	0,100 (denarë/kilogram)

Neni 8

Në ditën e fillimit të zbatimit të këtij vendimi, nuk vlen më Vendimi për Përcaktimin e Çmimeve më të Larta të Shitjes me Pakicë të Derivateve të Naftës dhe të Lëndëve Djegëse të Transportit („Gazeta Zyrtare e Republikës së Maqedonisë së Veriut“ бр.109/ 22)

Neni 9

Ky vendim hyn në fuqi me ditën e miratimit të tij, ndërsa botohet në “Gazetën Zyrtare të Republikës së Maqedonisë së Veriut” dhe publikohet në faqen e internetit të Komisionit Rregullator të Energjetikës dhe të Shërbimeve të Ujit të Republikës së Maqedonisë së Veriut dhe do të zbatohet nga ora 00:01 e datës 12.5.2022.

AR SY ET IM

Me këtë vendim bëhet ulja e çmimeve të shitjes me pakicë të derivateve të naftës mesatarisht 1,13% në raport me çmimet e shitjes me pakicë të derivateve të naftës, të përcaktuara në përputhje me vendimin e përcaktimit të të çmimeve më të larta të shitjes me pakicë të derivateve të naftës dhe të lëndëve djegëse të transportit të Komisionit Rregullator të Energjetikës dhe të Shërbimeve të Ujit të Republikës së Maqedonisë së Veriut të datës 9.5.2022.

Çmimet referente të derivateve të naftës në tregun botëror, në krahasim me përlogaritjen e mëparshme shënojnë rritje të benzina mesatarisht për 0,77% ose për 8,900 \$/ton të nafta ulje mesatarisht për 3,343% apo për 39,000 \$/ton, të vaji ekstra i lehtë ulje për 3,442% apo për 38,800 \$/ton dhe të mazuti ulje mesatarisht për 2,142% apo për 13,750 \$/ton, me ç'rast në strukturën e çmimeve të derivateve të naftës është kryer përshtatje përkatëse.

Kursi i denarit në raport me dollarin në periudhën e kaluar, mesatarisht shënon 58,3913 den/\$ dhe është përafërsisht 0,004 % më i ulët se kursi i dollarit (58,3891 den/\$) sipas të cilit janë formuar çmimet në përlogaritjen e mëparshme.

Duke pasur parasysh ndikimet e këtyre elementeve në formimin e çmimeve të derivateve të naftës sipas metodologjisë, si dhe dispozitën e definuar në nenin 8 paragrafi (3) të Rregullores së Formimit të Çmimeve më të Larta të Shitjes me Pakicë të Derivateve të Ndryshme të Naftës dhe të Lëndëve Djegëse të Transportit, çmimet e shitjes me pakicë të derivateve të naftës në përputhje me metodologjinë e formimit të çmimeve ulen mesatarisht 1,13%.

Çmimet e shitjes me pakicë të benzinës EUROSUPER BS-95 dhe EUROSUPER BS-98 dhe të Mazutit M-1 SU nuk ndryshojnë, përkatësisht mbeten në të njëjtin nivel siç janë përcaktuar me vendimin e përcaktimit të çmimeve më të larta të shitjes me pakicë të derivateve të naftës dhe të lëndëve djegëse të transportit të datës 9.5.2022 kështu që çmimi i shitjes me pakicë i EUROSUPERIT BS-95 është 90,50 den/litër, çmimi i shitjes me pakicë i EUROSUPERIT BS-98 është 92,50 den/litër dhe çmimi i shitjes me pakicë i Mazutit M-1 SU është 53,848 den/kg.

Çmimet e shitjes me pakicë të EURODIZELIT (D-E V) dhe të Vajit Ekstra të Lehtë për Amvisëri (EL-1), ulen për 2,50 denarë/litër, në raport me çmimin e shitjes me pakicë, të përcaktuar me vendimin e përcaktimit të çmimeve më të larta të shitjes me pakicë të derivateve të naftës dhe të lëndëve djegëse të transportit të datës 9.5.2022, kështu që çmimi i shitjes me pakicë i EURODIZELIT (D-E V) është 87,00 den/lit, ndërsa çmimi i shitjes me pakicë i VAJIT EKSTRA TË LEHTË PËR AMVISËRI (EL-1) është 85,00 den/litër.

Nr. 02-1195/1

11.5.2022

S h k u p

Kryetari i Komisionit Rregullator të Energjetikës
dhe të Shërbimeve të Ujit të Republikës së
Maqedonisë së Veriut

Марко Бислимоски